

حارثة بن النعمان

الحمد لله واشهد ان لا اله الا الله وحده لا شريك له واشهد ان محمدا عبده
ورسوله صلى الله عليه وسلم اما بعد

اهلا ومرحبا بكم في لقاء جديد من لقاءات هذه الدورة او هذه السلسلة الطيبة
المباركة سيرة اصحاب النبي عليه الصلاة والسلام.

يعني ما في اجمل الانسان يصحب هؤلاء ولو كان صحبة قراءة او صحبة كتب هم
القوم لا يشقى جليسهم والانسان في هذه الدنيا يعني حين لا يجد الصاحب الصالح او
الانسان الصادق له عزاء في هذه القصص الطيبة المباركة وله يعني صحبة جميلة
مع هؤلاء الكابر في قصصهم بيعرف بها ان هذه الامة كان فيها نماذج رائعة
مبهرة.

الحقيقة قراءة قصص الصحابة له اثر كبير جداً على النفس سواء في انسان يعتز
بإسلامه يفخر بحب هؤلاء يحب الصحابة يرجو ان يكون معهم في الجنة يرى نماذج
وقدوات حقيقية تمام مش قدوات زائفة.

الحاجة الثانية ان هو بيعرف مقاسه يعني بيعرف هو فين بالظبط من دائرة الاسلام
وبالتالي بينكسر ويتواضع مهما عمل مهما قدم يكتشف ان هو ولا حاجة بالنسبة
للصحابه الكرام رضي الله عنهم وارضاهم ، فده يعني قراءة هذه السير مفيد جداً
لقلب الانسان من حيث ان هو بيكسر بقى عنده الرياء والعجب والمن والامراض
القلبية كلها بتتحل بقراءة واحدة في سيرة الصحابة الكرام احنا قلنا السلسلة دي
بنحاول يعني اه ندي فيها حق شوية لبعض الصحابة اللي مبيخدوش اه حقهم لما
بنقرأ السيرة سيرة النبي عليه الصلاة والسلام مش بيبانوا قوي في السيرة او اه
قصتهم يعني بتبقى مخدتش وقتها او ما خدوش حقهم في الذكر في سير ان هم طبعاً
لهم قدر كبير وكده فمن باب الموازنة يبقى في الصحابة زكروا كثير في السيرة
بندي مساحة في السيرة في السلسلة ديت للاصحاب الكرام اللي ممكن ما نعرفهمش
قوي او بالنسبة لناس ميعرفوش حاجة عنه او نعرف عنه قليل تمام النهاردة اخترنا
بفضل الله سبحانه وتعالى نتكلم على الصحابي الجليل **حارثة ابن النعمان** وكالعادة

يعني انتم ممكن تسمعو الاسم في الاول فبيجي في بالكم مين حارث ابن نعمان يعني مسمعناش عنه كثير وكده فانتظروا حتى يعني نهاية الدرس عشان في الآخر نقول ايه دا كالعادة كل مرة بنقول مين ده احنا ازاى مكناش نعرف حارثة ابن النعمان رضي الله عنه وارضاه.

حارثة بن النعمان طيب خيلنا نقول ندي بطاقة شخصية الاول وبعد كده نتكلم في اوصاف وفضائله وقصته **حارثة ابن النعمان انصاري خزرجي نجاري بدري** فهمتوا حاجة انصاري يعني من الانصار خزرجي يعني من الخزر ج نجاري يعني من النجار من بني النجار دولا طبعاً يعتبروا اقارب للنبي عليه الصلاة والسلام في المدينة وهما اخوال النبي عليه الصلاة والسلام يعني خالان الكبار عليه الصلاة والسلام في المدينة من بني النجار لان احنا قلنا قبل كده ان هاشم اللي هو جد النبي عليه الصلاة والسلام هاشم اتجوز سلمى سلمى دي من بني النجار اصلاً سلمى دي من المدينة من بني النجار فسلمى دي جدة النبي عليه الصلاة والسلام اللي هي زوجة هاشم اللي هو جد النبي عليه الصلاة والسلام فبيعتبر اخواله او اخواله الكبار كلهم في المدينة نقول عن حد من بني النجار كأنه تقدر تقول ايه ولاد خال النبي عليه الصلاة والسلام يعني بني النجار دول ولاد خاله فدايماً في علاقة قوية بين النبي عليه الصلاة والسلام وبين اي حد من بني النجار فلما نقول ان هو نجاري يعني قريب النبي عليه الصلاة والسلام من ناحية الجدة اللي هي زوجة هاشم فهو نجاري فدي حاجة حلوة يعني تمام .

وبدري بدري يعني ايه سهلة بدرية يعني شهيدة بدرا شهداء بدرا بل هنشوف دلوقتي ان هو كمان شايلة المشاهد كلها يعني ما في غزوة واحدة فاتت حارثة ابن النعمان دي بطاقة شخصية كده ازاى هو شاب من شباب الانصار ولو حيينا نبدأ قصته الاول قبل ما نقول سر حارثة من النعمان وليه حارثة من النعمان حاجة جامدة قوي كده خيلنا نقول اكيد طبعاً متوقع كيف بدأت قصة حارثة من النعمان زي اي قصة حد في المدينة بدأت قصة حارثة ابن النعمان رضي الله عنه وارضاه بهؤلاء الفتية الشباب الانصار اللي التقوا بالنبي عليه الصلاة والسلام الاول في اه في مكة واقتنعوا بالاسلام ورجعوا كده رجعوا له تاني وحصلت بيعة العقبة الاولى وبعد كده باعت العقبة الثانية وفي الاثناء ديت النبي عليه الصلاة والسلام ارسل مصعب بن عمير الى المدينة في الفترة ديت النبي عليه الصلاة والسلام ارسل المصعب ابن عمير الى المدينة علشان يدعو اهل المدينة للاسلام ويعلمه الاسلام وكان من ثمرات مصعب يعني دايماً مصعب موجود في ايه اي قصة اي واحد في المدينة اسلم هتلاقي سيدنا مصعب موجود في الصورة دايماً فقصة اسلام حارثة هي قصة زي اي قصة زي ناس كثير قوي في المدينة انه تأثر بدعوة مصعب بن عمي فمجرد ان سمع عن الاسلام ووصلته دعوة مصعب

انطلق الى مصعب ابن عمير و اعلن اسلامه واسلم بين يدي مصعب ابن عمير رضي الله عنه وارضاه فيا سلام حس ان احنا يعني الواحد بقى يعني مش عارف احساسه هيبقى ايه لو لو فكر بس ان هو يجيب سيرة مصعب ابن عمير يعني لو حبينا نتكلم عن مصعب ابن عمير احنا كده بنتكلم تقريبا عن الانصار كلهم يعني هؤلاء جميع الانصار في بني المدينة كلها في ميزان حسنات مصعب بن عمير.

في اي شأن واي مكانة فيها مصعب بن عمير لما نقول الدال على الخير كفاعله سيدنا مصعب في ميزانه يعني بعض الناس اللي في ميزانه اسيد ابن حضير وسعد ابن معاذ وحارثه ابن النعمان يعني كل اسم اصلا دنيا فحول واحد في ميزان حسنات مصعب بن عمير اي ميزان هذا يعني يعني انا مش متخيل ميزان مصعب ابن عمير عامل ازاي يوم القيامة جزاه الله خيرا والله.

فحارثه بن النعمان اسلم مع مصعب بن عمير كعادة اغلب الياه اغلب من اسلموا في المدينة الجميل بقى ان هو كان حريص اوي ان امه تسلم فضل معها والحمد لله في الآخر امه اسلمت وكان اسمها جعدة بنت عبيد فلما اسلمت حارثة من النعمان كان احسن خبر سمعه في حياته وهنعراف ليه دلوقتي ليه حارثة بن النعمان فرح قوي باسلام امه لان هنشوف ان من مناقب حارثة من النعمان انه كان ابر الناس بامه رضي الله عنه وارضاه.

طيب كده احنا عرفنا بس قصة الاسلام بسرعة خلينا بقى ايه نقوله عنوان عنوانين كبار وهيمشوا معنا في القصة كلها عنوانين كبار هيمشوا معنا في القصة كلها

ما هو سر حارثه بن النعمان

بلغ ما بلغ بسبب حاجتين

الحاجة الاولى البر بالام

الحاجة الثانية رجل قرآن ورجل مواقف رجل القرآن الحق ورجل المواقف الصعبة
كان بار بالام وكان في نفس الوقت رجل له مواقف. كل موقف له موقف وكان من اهل القرآن العاملين به العاملين بالقرآن اللي بيتأثروا به والنبي عليه الصلاة والسلام جمع الميزتين دول في حديث واحد الميزتين دول جمعاهم في حديث واحد عن عائشة رضي الله عنها وارضاهها قالت قال رسول الله صلى الله عليه وسلم بيحكى للسيدة عائشة. **قال لها نمت البارحة نمت البارحة فرأيتني في الجنة فرأيتني في الجنة تاني فرأيتني في الجنة فرأيتني في الجنة فسمعت الصوت يقرأ سمعت صوت قرآن يقرأ فقلت من هذا فقلت من هذا قالوا هذا حارث ابن النعمان هذا حارثة ابن النعمان ثم قال النبي عليه الصلاة والسلام لعائشة ولي هو في المنزلة ديت وازاي وصل للجنة ديت قال كذلك البر كذلك البر وكان ابر الناس بامه كذلك البر) يعني شف هو عمل دلوقتي حاجتين طالعة معنا ان هو قاعد في الجنة بيقراً**

قرآن تمام وده يدل على ارتباطه بالقرآن لدرجة ان ربنا يعني ازن له ان يقرأ قرآن في الياه في الجنة حبه للقرآن تنعمه بالقرآن علاقته القوية بالقرآن اللي هو قاعد في الجنة بالنسبة له يقرأ القرآن يعني اجمل عنده من نعيم الجنة نفسها تخيلوا واحد شغله القرآن عن نعيم الجنة تنعم يتنعمه بالقرآن.

واي علاقة دي ان هو ارتبط فيها بالقرآن بعد كده النبي عليه الصلاة والسلام بيبين بقى ليه برضو حصل كده السر الثاني بتاعه قال كذلك البر.

كذلك البر فكان رضي الله عنه وارضاه من اهل القرآن وخذ بالكم خليني على الفصالة دي كمان شوية وكان بار جداً بامه جداً لدرجة السيدة عائشة رضي الله عنها وارضاه وارضاهما بنقول كلمة خد بالك احنا لما بنتكلم عن الصحابة يا جماعة بنتكلم عن مين بنتكلم عن بكر وعمر وعثمان وعلي طلحة والزبير وسعد بن ربيع وسعد بن معاذ ومصعب بن عمير، قصة بقى كبيرة قوي يعني دلوقتي لما السيدة عائشة تحب تقول عن واحد احسن واحد في الصحابة لا ده كلام كبير قوي كلام كبير قوي هتقول دلوقتي السيدة عائشة اثر يكتب الكلام بماء الذهب قالت كان رجلان من أصحاب النبي صلى الله عليه وسلم أبر من كان في هذه الأمة بأمرهما تاني كان رجلان من أصحاب النبي صلى الله عليه وسلم أبر من كان في هذه الأمة بأمرهما في اثنين بتقول لو في بر الأمة هتقولوا لي اختار اثنين لاتنين تعرفيهم في حياتك الصحابة في بر الأم تمام هقول لكم اثنين اثنين ملهمش تالت وما لهمش منافس ومفيش حد شبههم في بر الأم قالت عثمان بن عفان وحارثة بن النعمان

يا سلام عثمان بن عفان وحارثة بن النعمان رضي الله عنهما قالت أما عثمان لسه بتكمل فسمعتة يقول والله ما قدرت ما قدرت أن أتأمل في وجه أمي منذ أسلمت ما قدرت أن أتأمل في وجه أمي منذ أسلمت شدة توقيره لي واحترامه لي بكل ما يبقى معه ببص في الأرض ميعرفش يحط وشه في وشها كده ها الشباب البنات اللي بنتجبح في وش أمها واللي بترد لها الكلمة كلمتين والصاع صاعين وتخرجها وتؤذيها بالكلام اللي بتؤمرها وتنهاها كأنها هي اللي أمها مش البجاجة اللي احنا بنتعامل بها مع أهالينا سيدنا عثمان بيقول أنا ما أعرفش أركز في وشها بيقول ما قدرت أتأمل في وجه أمي منذ أسلمت ايه ده قالت وأما حارثة فكان يطعمها بيده ولم يستفهمها كلاماً قط تأمر به يعني ايه الكلام ده حتى يسأل من عندها بعد أن يخرج ماذا قالت أمي تاني بس عشان نفهم حارثة كان بيعمل ايه قلت لها كان بيأكلها بايه بايده يأكلها بايده يا جماعة من فينا بيقعد كده على الأكل يقعد يأكل أمه بايده ده احنا وصلنا مرحلة جداً ده احنا بناكل قبل أهالينا ده احنا بناكل أكل أهالينا ايه يا ماما انت واخدة الحطة الحلوة ليه أنا بحب الورك هاتي لي الورك بتحبه برضه لا مليش دعوة أنا ما باكش غير أنا عايز الورك طب هي قدامها هي هي برضه بتحبه مش تقول لها اتفضلي أنا عارف إنك بتحبيه تمام الأكل ميكفيش ميكفيناش كلنا ووالدتك حطت قدامك الأكل وانت خد بالك إن هي ما حطتش لنفسها عادي عادي ما

فيش ماما انت هو انت كنت ايه طب هتاكلي ايه ما لكش دعوة بي أنا اتصرفت لا ما فيش حاجة اسمها اتصرفتي ده انت حطيتلي ومحطيتش لنفسك لا ما فيش حاجة ما فيش الكلام ده ده ما حدش بيسأل أصلاً ماما كنت ولا ما كلتش أنا آسف يعني إن ممكن بنت أو ولد فيكم عدى اليوم كله ما يعرفش أمه فطرت ولا ما فطرتش اتعدت ولا ما اتعدتش اتعشت ولا لا انت أهم حاجة عندك تتحط قدامك أكلك وخلص هي بقي كنت ماكلتش انت مش عارف ولا بتسأل ولا فكرت تسأل وهي ما بتقعدش على الأكل أحياناً بسبب إن هي ملهاش نفس أو ز علانة أو الأكل مش مكفي مش فارق معانا لا بيقول لك كان بيقعدا ويأكلها بإيده لازم يتأكد إنها قبله ويأكلها بإيده ويقول من شدة الهيبة اللي في قلبه للأم بيقول لما تتكلم ما بياخدش باله هي قالت ايه أنا مش قادر استوعبها الصراحة بس هو بيقول يعني كان بيبقى قاعد في حالة عارف انت لما تبقى في حالة من الهيبة كده ممكن انت متستفهمش كلام اللي قدامك فبيقول كان من شدة مهابة للأم وإن هو بيهابها قوي تقول له كلام فما ياخدش باله ميركزش في الكلام من شدة المهانة لغاية ما بعد كده يسأل الناس اللي قاعدين هي أمي قالت ايه أمي قالت ايه ها حاجة عجب والله حاجة عجب حارثه ابن النعمان يا جماعة من أعظم أسرار ه البر بالأم يا جماعة الشكوى بتيجي لي كتير الشكوى بتيجي لي كتير في الباب ده بالذات إن احنا أحوالنا مع الأمهات سيئة جداً والأمهات بتبكي دموع ودم على بنات وشباب المفروض إن هم بيقولوا احنا ملتزمين أو كويسين الملتزم ده عندهم يعني ايه يعني نقاب وحفظ قرآن وصلاة في مساجد وطلب علم لكن علاقة في البيت سيئة جداً لسه صوتها عالي على أمها الولد لسه بيرد على أبوه الكلمة بكلمتين تمام.

ده مش التزام يا جماعة لو أنا طول عمري أقول في ناس معينة كده في حياتك لو قالوا إن انت مش ملتزم ببقى انت مش ملتزم لو شهد لك كل أهل الأرض زوجتك الأم الأب إخوانك دولاً معيار التزامك الحقيقي دولاً فعلاً لو قالوا إن هو التزم حتى لو مش حابين التزامك حتى لو بيحاربوك فيه بس هم من جواهرهم لو اتسألوا هيقولوا لا الولد التزم البنات التزمت كويسين معانا بس أنا مش عاجبني النقاب مش عاجبني اللحية ده مش مشكلتنا دلوقتي بس هي بتقول لي اتغيرت الصراحة مكانتش كده بقت كويسة معانا بقت بارّة بينا بقت محترمة بقت مؤدبة بقت تحفظ قرآن بقت بتقوم الليل بقت ساعتها انت ملتزم زوجتك تقول عليك إن انت اتغيرت انت كده ملتزم زوجك بيقول عليك إن انت فعلاً صالحة كل كلام الناس ميلزمنيش الناس كلها مخدوعة فينا ما عدا دول دول الوحيدين اللي عارفين الحقيقة الزوجة او الزوج الالب والام الاخوات دول اللي اقدر اقول لك لو دولاً شهدوا لك او شهدوا لك ان انت ملتزمة او انت ملتزم ببقى انت فعلاً ربنا يبارك لك انت ما عديت اقرب الناس لك بيعترف ان انت كويس فلذلك يا جماعة اول حد لازم يحس بالتزامنا اقرب الناس لنا

قبل ما تدي اخلاقك الجميلة للمعلم والمعلمة وللأخوة وللناس في الشارع وللطلبة عندك في الدرس فين الاخلاق دي مع الام مع الاب مع اخواتك مع زوجتك زوجتك
اولى حد تطلع فيه اجمل اخلاقك **خيركم خيركم لاهله** وانا خيركم لاهلي اكثر حد تنقي وانت بتكلمه امك ثم ابوك ثم اخواتك اكثر حد تعمل حسابه تعمل حساب كلامه ورضاه وغضبه الاب والام ده التزامك ده التزامك

سيدنا ابن عمر شاف واحد شايل امه على كتفه يطوف بها في الكعبة فقال له اتراني قد اديت حقها قال لا ولا بزفرة من زفراتها يعني الطلق اللي كان بيحصل في الولادة ولا تعرف تسدده

الشباب والبنات بيقولوا اصل امي قاسية شوية او طبعها صعب شديد شوية ده واقع للأسف مش عاجبنا اكيد احنا مش راضيين به بس عايزك تفتكر حاجة لو افكرتها هنقدر تحسن رامي الاساءة ايه هي الجمال اللي ما لهاش مقابل اللي ما تتردش

بعض الناس مثلاً اقول له ابوك بيصرف عليك يقول لي انا بصرف على نفسي دلوقتي ماشي امك بتعمل لك اكل يقول لي لا انا بعمل اكل لنفسي فعايز يقول ما لهمش جمال علي طيب الحمل الولادة سنتين الرضاع او السنة ونص او السنة

لما انت كنت طفل صغير اول تلت اربع خمس سنين مكنتش تعرف تتكلم ولا تقول حاجة ولا تعبر عن نفسك كنت بتعيط ويجي لك مغص ويجي لك اسهال ويجي لك وجع مين كان بيوديكي للدكاترة ومين كان بيصرف غير ابوك مين كان بيسهر امك مين كان بيعيط عليك غير اللاتنين دول مين اللي اكلك وشربك لغاية ما طولت وبعد كده بتقول انا بصرف زيهم وبعمل زيهم امال اللي قبل كده فين اللي قبل كده

الفترة دي عشان كده ربنا ييفكرنا دايماً الفترة دي ووصينا الانسان بوالديه ربنا ييفكرنا دايماً الفترة دي ووصينا الانسان بوالديه حملته امه وهنا على وهن وفصاله في عامين وبعد كده على طول قال بعديها ايه ان اشكر لي ولوالديك ما افكرش باي حاجة تانية لان السننتين دول بس بس لو قعدت طول عمرك خدام تحت رجليهم مش هتسددهم فما تقارنش دلوقتي ما تقولش وهو بيعمله انا بعمل انا مش محتاجهم في حاجة دلوقتي ما هو انت اصلاً بقيت بني ادم ازاي من غير السننتين دول انت بقيت بني ادمه ازاي من غير السننتين دول سننتين الشقاء والتعب

انا طول عمري اقول للبنات ويارييت اللي في الكومنتات يقولوا لي انا بقول لكم علاء حامد اهو انا ما عرفتش قدر امي الا لما اتجوزت وخلفت انا ما عرفتش قدر امي فعلاً الا لما اتجوزت وخلفت تمام وشفت معاناة الام شفت معاناة الام ومعاناة الاب وان كان اقل بكثير يعني من معاناة الام يعني تمام

وعرفت قد ايه انا بتخيل ده احنا دلوقتي في زما مع توفر وسائل الرعاية وتوفير
الادوية والمستشفيات والدكاترة والاستشارات بالتليفون كل حاجة متاحة والصيديات
واحنا الحمد لله اغنيا ومستريحين وكل حاجة ميسرة لنا بنعاني بنعاني مع طفل
واحد في اول سنتين ما بالك لما يبقى عندي اتنين وثلاثة ثلاث اطفال مثلاً وسنهم
مقارب امال امي كانت بتعمل ايه وهي كان عندها ثلاثة ويمكن في بينكم اللي كان
عندها اكثر

وما كانش عندها الوسائل اللي عندنا

ومكانش الدكاترة في كل مكان

مكانش الصيدلية تحت البيت

ومكانش العلم متوفر قوي وكانت شايلة الشيلة لوحدها وممكن تشيل نفسها وتشيل
ولادها وتشيل ولاد اخواتها ولاد جيرانها وكانت بتشتغل ايه ده انت عملت كده ازاي
مين دي انا يعني انا ببص لامي بنهر هو انت ازاي هو هو انت شلتينا ازاي الفترة
دي انا مش متخيل انا لايف اسهل من كده بكتير وعندي البيت كله تعبان في حاجات
ابسط من كده بكتير

امال امهانتا شالونا ازاي بصوا يا جماعة انا انا بقول لكم اهو طبعا بصوا اللي
اتجوزوا وخلفوا بيقولوا لكم اهو اللي بقى مش متجوز ومش مخلف مش هيصدقني
ان شاء الله بكرة تتجوزوا وتخلفوا بعد ما تخلف اول عيل مش هقول لك بقى لما
يبقى عندك ثلاثة مثلاً زينا لا اول عيل في اول شهر تروح تبوس ايد ماما تبوس ايد
بابا لو حتى بيشتمك لو امك بتضايك صوتها عالي بترحني بتشتمني تروح تبوس
ايديها برضو تقول انا اسف انا اسف انها زعلتك في يوم من الايام

انت لو لو انت عملت معي اللي انا شايفه في بيتي دلوقتي ده والله العظيم يعني دي
مينفعش ما ينفعش اتكلم معك كلمة الصبر اللي صبرتيه علي في مغصي وفي تعبتي
وفي تغيير هدوم ودوا وعلاج ورضاعة طول الليل واصحى كل ليلة بالساعات
مبتناميش وتروحي الشغل تاني يوم على قلبك زي العسل وانيمك بالساعتين ثلاثة
طول اليوم وعلى قلبك زي العسل والله يعني ده انا مش طايق ولا انا مش طايق
ولادي دلوقتي بقى لي شهر يعني انت استحملتينا ازاي كل السنين ديت

فهمت فمهما كان عشان اللي هم واخدين بابا وماما ندية لا عدي عدي عشان في
حاجات في ديون انت مش تعرف تسددها بس وانت مش فاكرها هي عارف المأساة
ان انت مش فاكرها اصلاً ولا هتفكرها عشان كده بقول لك مش هتعرفها الا لما
تشوف عيالك خلاص يبقى احنا لازم يا جماعة نعرف ان مهما اهالينا عملوا خلاص
ده ابتلاءنا في ناس ابتلاؤه في اهله خلاص ربنا بيختبرنا هصبر عليهم وخلاص

واتعامل معهم كويس حق ربنا وحقهم حقهم فعلاً لان في ديون ما اتسددتش في ديون
كثير لسه ما اتسددتش

عشان كده سيدنا عمر لما الراجل سألته قال له ده انا شايلها وفي الحج وجايبها الحج
على حسابي وشايلها بطوف بها قال له ولا الطلق نفسه ما تعرفش تسدده الم الطلق
بيقولوا ده اكبر الم في الدنيا بعد الحريق بعد الحريق اعظم الم في الدنيا الم الطلق
احنا زوجاتنا دلوقتي بيخلفوا قيصري معلش امهاتنا خلفوا طبيعي باتنين وثلاثة
واربعة وخمسة وستة ايه ده ازاي ده ده ما حدش بيستحمل الطلق ده دلوقتي أصلاً
بنات اليومين دول لو قلت لها ولاده طبيعي تقول لك لا لا لا لا لا طبيعي مين افتح انا
مش مش ممكن استحمل الالم ده أبداً طب امهاتنا يا جماعة امهاتنا استحملوه ازاي
بالمرة والاثنتين والثلاثة والرابعة والخمسة والستة وعادي فكرونا به حتى ولا زلونا
به

**ابن سيرين يقولون كان ما رفع صوته على امه قط في حياته وكان حين يكون
عند امه لو رآه رجل لظنه مريضاً لظنه مريضاً بشدة** ما هو بيبقى قاعد كده ايه
موقرها قوي وهايبها قوي بيقول له شوف بيقول ده عيان فيه حاجة فسئل عن ذلك
قالوا هكذا يكون اذا كان عند امه

**سعيد ابن عامر بيقول بات اخي عمر يصلي بصوا يا جماعة واسمعوا عشان
تعرفوا ايه الالتزام بات اخي عمر يصلي وبت ادعك قدم امي وبت ادعك قدم امي**

والله ما احب ان ليلته بليلتي وما احب ان ليلته بليلتي قال بات اخي عمر يصلي
وبت ادعك قدم امي والله ما احب ان ليلته بليلتي هي اثار السلف كثير في
الموضوع دوت لكن يكفي يعني ان انا اقول لكم ان النبي عليه الصلاة والسلام قال
**خير التابعين خير التابعين اويس القرني اويس القرني النبي عليه الصلاة والسلام
بين له خير القرني قال لانه كان باراً بامه باراً بامه**

المهم السيدة عائشة بقى بتحكي لنا القصة دي وتقول لنا ايه ان من احسن اتنين في
بر الالم شفتهم في حياتي هم عثمان ابن عفان وحارثة ابن النعمان رضي الله عنهما
خلاص بيبقى احنا كده ايه خلصنا السر الاول من اسرار حارثة من النعمان

**السر الثاني من اسرار حارثة بن النعمان احنا قلناه انه كان رجل المواقف رجل
قرآن** بجد انا عايز ارجع تاني لان النبي عليه الصلاة والسلام بيقول لما النبي شاف
نفسه في الجنة وسمع صوت قارئ يقرأ وقال مين دوت قالوا له حارثة النعمان
طيب اذا اكيد استنتجنا ان حارثة من النعمان من اهل القرآن صح

تحت ده سؤال سؤال **هل النبي عليه الصلاة والسلام ذكر حارثة من النعمان في
الرابعة الكبار لما قال خذوا القرآن من اربع لا عبد الله ابن مسعود ومعاذ ابن جبل
وابي ابن كعب وسلم مولى ابي حذيفة ماتقالش فيهم**

هل حارثة بن النعمان كان امام بالصحابة مثلاً في يوم من الايام حتى بعد موت النبي عليه الصلاة والسلام لما كان امام بالمسلمين

هل حارثة بن النعمان من اعلم الصحابة بالتفسير زي ابن عباس وابن مسعود وكده في المفسرين لما بل الامام الذهبي اصلاً بيقول عن حارثة ابن النعمان لما نعلم له رواية لما نعلم له ايه رواية يعني ما رواش ولا حديث ما رواش ولا حديث حتى يعني هو مكانش من العلماء مكانش من من اهل العلم في الصحابة الكبار

طيب نسأل سؤال كمان هل كان حارثة بن نعيم من الناس اللي صوتهم مميز قوي زي ابو موسى الاشعري وكان معه زممار من مزامير داود لما برضو

امال كان ايه امال ايه هو اللي خلى حارثه النعمان من اهل القرآن وخلي شدة ارتباطه بالقرآن دي وصلته انه بيقرا قرآن في الجنة

السر انه كان من اكثر الناس عملاً بالقرآن وكان رجل كانه يعني اخلاقه اخلاق القرآن عمل هو ده سر حارثة مش مش كثرة علم مش مش مثلاً احاطة بالتفسير والمعلومات التفسيرية مش مثلاً اتقان تجويد ومتشابهات انما كان رجلاً عاملاً عاملاً بالقرآن فعلاً

مواقف مواقف سيدنا عمر بيقول كلمة جامدة جداً **بيقول لما يغرنكم من قرأ القرآن لما يغرنكم قرأ القرآن انما هو كلام يقرأه انما هو كلام يقرأه ولكن انظروا من يعمل به ولكن انظروا من يعمل به** حارثة شوف النبي شايفه بالجنة يعني ازاي حارثة ان شاء الله هيكون مع النبي عليه الصلاة والسلام في الجنة وحبه للقرآن وتعلقه به جعل ان ان قراءة القرآن في الجنة بالنسبة له انعم من نعيم الجنة لدرجة ان هو قراءة القرآن بتشغله عن نعيم الجنة نفسه

طب ايه هي بقى المواقف اللي تقدر تقول عليها فعلاً الراجل ده له حال مع القرآن؟ اول حاجة ان حارثة من النعمان كما جاء في الرواية وان كان ليس له رواية قال شهد المشاهد كلها مع رسول الله صلى الله عليه وسلم شاهدة ليه؟ شهد المشاهد كلها مع رسول الله صلى الله عليه وسلم يعني لم يتخلف عن غزوة قط لم يتخلف عن غزوة قط شهد بدراً واحداً والاحزاب كله كله حنين والطائف ما تخلف عن غزوة غزاها النبي عليه الصلاة والسلام

ودي حاجة لما تتقال جنب صحابي لما ده بتخطه في حجة تانية يقول لك لما شاهدة المشاهد كلها حاجة كبيرة قوي يعني حاجة حاجة عزيمة يا جماعة يا جماعة دلوقتي الناس عارف يعني ايه شايل المشاكل دلوقتي ممكن للأسف بص قارن بين ده وبين واقع الشباب دلوقتي واقع البنات في بنت مثلاً بتتباهى تقول لك انا انا فلان المغني ده كل شرايطه عندي من اول ما بدأ يغني ما فيش اغنية مش حافظها له صح؟ في

خد بقى الجامد في يوم حنين لما الناس في أول الغزوة انتم عارفين لما المشركين عملوا كمين كده للنبي عليه الصلاة والسلام والصحابة وانقضوا عليهم في أول النهار فالصحابة حصل طبعاً اغتروا بكثرتهم في الأول وبتاع وحصل تفرقوا عن النبي عليه الصلاة والسلام ويوم حنين ازا أعجبتمكم كثرتكم فلم تغن عنكم شيئاً

قالوا ان ثبت مع النبي عليه الصلاة والسلام في الموقف ده مئة واحد مئة واحد قالوا وكان حارثة بن النعمان من هؤلاء المائة والموضوع ده ما جاش ما اتقالش من صحابي خد بقى المفاجأة الضخمة مش صحابي اللي قال ان حارثة النعمان انه في يوم حنين ما فرش وانه ثبت جنب النبي عليه الصلاة والسلام **تعرفوا مين**

اللي قال المعلومة دي؟

مش هتصدقوا مش هتصدقوا اللي قال المعلومة دي سيدنا جبريل فقال من هذا يا محمد؟ من هذا يا محمد؟ قال: حارثة بن النعمان قال: أما إنه من المئة الصابرة يوم حنين الذين تكفل الله بأرزاقهم في الجنة. الله أكبر الله أكبر قال: من المئة الصابرة يوم حنين، الذين تكفل الله بأرزاقهم في الجنة يا الله! ربنا تكفل بحارثة بن النعمان لأنه كان راجل! راجل! موقف! موقف عظيم! ثبت جنب النبي عليه الصلاة والسلام في يوم حنين ميت بس سبته جنب النبي عليه الصلاة والسلام وكان راجل منهم راجل مواقف. قال له: دول المية الجامدين قوي في يوم حنين ده مين اللي بيتكلم؟ جبريل يعني إزاي يا جماعة؟ ده انت لو فيه واحد مشهور يعرفك، انت هتقول: أنا جامد جداً أنا جامد قوي تمام؟ انت لو فيه مثلاً كرموك في المدرسة، ولا مدير المدرسة اداك شهادة، ولا رئيس الجامعة كرمك، ولا رئيس مجلس الإدارة قال لك: أنت العامل المثالي، ولا مثلاً المحافظ اختارك الأم المثالية ده هنقعد نحكي عليها سنين وسنين، وأحفادنا يحكوا عليها.

لما تبقى حضرتك معروف عن سيدنا جبريل باسمك! عنده كده ملف فيه ميت واحد. دول على جنب دول لوحدهم. دول معاملة خاصة. دول المية في لوحة شرف اتبلغت بيهم في مية كده أنا حافظ أساميهم وعارفهم أول ما قال له بس كلمة "حارثة بن النعمان"، ملف الأسماء طلع قال له: آه، حارثة؟ ده من المية بتوع حنين.

انت انت مشهور قوي يعني سيدنا جبريل عارفك عارف يعني إيه سيدنا جبريل يعرفك حضرتك؟ في الحديث: "إذا أحب الله عبداً، نادى: إني أحب فلاناً، فأحبوه." مجرد إن سيدنا جبريل يعرفك، انت كل مشاكلك اتحلت قال: "إني أحب فلاناً، فأحبه." فيحبه جبريل ثم جبري الزعيم. قائد السماء. تمام ثم ينادي جبريل في أهل السماء: "يا أهل السماء، إن الله يحب فلاناً، فأحبوه." فيحبه أهل السماء. ثم يوضع له القبول في الأرض.

خلاص؟ مجرد إن سيدنا جبريل حبك، الدنيا اتحلت معك. أهل السماء يحبوك، وأهل الأرض هيبوك. تخيل بقى سيدنا جبريل بيقول: لا، ده مش بحبه بس. ده من المية المميزين عندي. ده في الشرف من المية الأوائل يعني ده... ما تسألش عليه بقى. ما تسألش عليه، وعلى ربنا بيكفله إزاي، وجبريل يعتني به إزاي، والملائكة بتعت به إزاي، والقبول اللي ربنا حطه للحارثة بن النعمان هيروح فين؟

ده عند سيدنا جبريل في لوحة الشرف من الأوائل بل ورد في بعض الآثار أن سيدنا جبريل، رد عليه السلام.

قال عن حارثة بن النعمان: **"مررت على رسول الله صلى الله عليه وسلم، ومعه جبريل جالس في المقاعد. فسلمت عليه، وكان شكله بشر، ما خدتش باله منه. قال: ثم جزته، سلمت وعديت. فلما رجعت، وانصرف النبي صلى الله عليه وسلم، قال: هل رأيت الذي معي؟ كان معي؟ قال: نعم قال: هذا جبريل، وقد رد عليك السلام."**

يا نهار أبيض! يعني هو معدي كده عادي؟ لقي النبي عليه الصلاة والسلام قاعد مع واحد فقال: السلام عليكم فالراجل قال: وعليكم السلام. الراجل قال له: وعليكم السلام ورحمة الله وبركاته قال له: عارف مين اللي رد عليك؟ جبريل رد عليك يعني جبريل دعا لك بالسلام والرحمة والبركة جبريل دعا لك بالسلام والرحمة والبركة ده جامد اوي.

خدوا بقى الموقف مواقف الرجولة الجامدة اللي جاي دوت فاكرين احنا قلنا ان سيدنا حارثة من النعمان نجارية صح قلنا يعني ايه نجارية يعني من بني النجار صح بني النجار دولا مين يا جماعة اقارب النبي عليه الصلاة والسلام من ناحية الجدة اللي هي سلمى والنبي صلى الله عليه وسلم لما نزل في المدينة نزل على بني النجار يعني قال ايه انا عايز انزل عند بني النجار ونزل في بيت ابو ايوب الانصاري انتم عارفين ابو ايوب الانصاري وقصته مشهورة وحكيناه قبل كده وان هو كان استضاف النبي عليه الصلاة والسلام ابو ايوب الانصاري من بني النجار وفعل بيته وبعد كده اتبنى المسجد النبوي في الحطة دي نفسها جنب بيوت بني النجار فكان النبي عليه الصلاة والسلام كما تعلمون لما كان بيتجوز كان بيبقى عايز بيقى يعمل بيت لزوجه جنب المسجد تمام انتم عارفين بقى ان حارثة النعمان له موقف رهيب مع النبي عليه الصلاة والسلام حارثة من النعمان لما النبي عليه الصلاة والسلام كان يتجوز مثلاً وده حصل مع السيدة صفية وغيرها حارثة من النعمان كان صاحب بيوت كان عنده كذا بيت في المنطقة دي حوالين المسجد النبوي هو كان يملك كذا بيت اصلاً النجار فهو عنده كذا بيت شقق على بيوت على يعني بيوت ما فيش شقق بقى والجو ده هو بيوت فكان النبي عليه الصلاة والسلام مثلاً يتجوز يتزوج زي ما اتزوج صفية

فيجي بيحي سيدنا حارثة يقول له خد بيت من بيوتي وممكن هو يكون قاعد في البيت ده يعني هو قاعد في البيت ده يقول له طب انا انا هروح بيت ابعد اروح بيت بعيد شوية انا لي بيت ثاني هروحه خد انت البيت ده يدي له بيته بيته يتحول عنه ويروح بيت ثاني وبعد كده النبي عليه الصلاة والسلام مثلاً اتجوز واحدة تانية فيقول له طب خد بيتي الثاني وانا اروح بيت ثالث كلهم كانوا حوالين المسجد النبوي ادي له بيت بيت تمليك لدرجة بقى في موقف مؤثر قوي قوي حصل مع السيدة فاطمة انتم عارفين سيدنا علي لما اتجوز السيدة فاطمة تمام فالنبي عليه الصلاة والسلام قال له اطلب منزلاً يعني هتعدوا فين فالنبي عليه فسيدنا علي كان عنده بيت بس بعيد شوية بعيد عن النبي فقال هو ده يعني اللي ربنا يسره لي وعلى قد الحال يعني فان علي ما كانش غني قوي ساعتها مش قادر يشتري بيت قريب من النبي عليه الصلاة والسلام فكان بيت بعيد شوية فطبعاً ده بالنسبة للنبي عليه الصلاة والسلام انت كده خدت قلبه وحطته بعيد السيدة فاطمة فكان يعني يروح لها وتيجي له مشوار بقى في تعب شوية فالمهم فمرة بيقول بيقول للسيدة فاطمة والله اني اريد ان احولك الي انا نفسي تقربوا مني يعني فما ينفعش تعزله ما ينفعش سيدنا علي يجيب بيت كده جنبنا انا مقدرش ابعد عنك احب اشوفك وعايز اشوفك كثير ففهمنا عليه لو يقدر يجيب لنا بيت كده جنبنا فاطمة عارفة اللي فيها عارفة ان سيدنا علي ما يقدرش ومعهوش فراحت ايه قالت كلمة كده قالت يا رسول الله هلا كلمت حارثة من النعمان ها هلا كلمت حارثة من النعمان ان يتحول عن منزل من منازل يعني شف فاطمة من كثر الثقة حارثة النعمان وعارفة رجولته ومواقفه عمرها ما كتبت له بطلب زي ده الا وهي متأكدة من حارثة بتقول له يعني قل له ما خلاص ما هو يعني الرجل ما بيتأخرش عنك في حاجة قل له يعني ما جتش علي يعني يعني اقرب انا منك وهو راجل يعني على قلبه زي العسل راح النبي قال كلمة كلمة دي تتحط في يعني يعني مناقض حارثة من النعمان قال والله يا فاطمة لقد تحول حارثة عن بيوته من اجل حتى استحييت منه لقد تحول حارثة عن منزله من اجلي حتى استحييت منه انتم متخيلين لذلك يقال حارث النعمان من مناقبه انه كان النبي صلى الله عليه وسلم يستحي منه انت عارف اللي له جمایل كبيرة قوي عليك فلدرجة انما يعني صرفة مش عارفة مش هنودي جمایلک فين تمام كان النبي استحيي من حارثة ابن النعمان ده موضوع كبير قال والله يا فاطمة لقد تحول حارثة عن ابياته من اجلي حتى استحييت منه مش قادر مش قادر اطلب منه يعني هو لوحده بيعمل انا مش قادر حتى اطلبه يعني السلام ده اشوف ادب النبي عليه الصلاة والسلام ده انت لو طلبت عينين هيديها لك قل لها مش قادر مش هينفع اقول له خلاص يعني انا المهم ايه اللي حصل بقى اللي حصل ان سيدنا حارثة بلغه ذلك بلغه ذلك وعرف عن طريقه هو مقلوش النبي عليه الصلاة والسلام ما قالوش بس طبعاً الكلام اتسرب وهو صلى فراح رايح للنبي عليه الصلاة والسلام قال **الله بلغني بلغني انك تريد ان تحول فاطمة اليك بلغني انك تريد ان تحول فاطمة اليك يا رسول الله هذه منزلي هذه**

منازلي اقرب منازل بني النجار اليك يا رسول الله ان مالي لله ولرسول والله يا رسول الله ان المال الذي تأخذ مني احب الي من المال الذي تدعو لي فقال النبي عليه الصلاة والسلام صدقت قال صدقت بارك الله عليك بارك الله عليك وفعلنا سيدنا ادا فاطمة بيت اقرب بيت للنبي عليه الصلاة والسلام ادا هول وده بيت ملاصق للمسجد النبوي يعني مهم جداً بالنسبالو اداو البيت ده واده لفاطمة عشان يرضي قلب النبي عليه الصلاة والسلام بس والنبي يقدر كل يوم كده يعدي يشوف السيدة فاطمة يعني بيقلو انت مقلتلش ليه ما يعني انا مش متأخر عنك يعني قال رسول الله يعني سمعت ان انت عايز فاطمة الموضوع بسيط بيوتي كلها بتاعتك كل بيوتي بتاعتك هذه بيوت بين القارب بيوت بني النجار بيوتي اقرب بيوت بني النجار اليك قال وان مالي لله ولرسول الله قال رسول الله والله ان المال الذي اخذت مني احب الي من المال الذي تركته لي ايه يا جماعة ده!

ايه الرجولة دي!

ايه الشهامة دي!

ايه المواقف دي!

انت متخيل مش بيتصدق باموال ولا بينفق على ده بيدي له بيته! بيته اللي هو قاعد فيه ومش مديله بيت بس ده بديله بيت وانتين وثلاثة ومش بيوت عادية ده بيت ملاصق للمسجد النبوي يعني برقم برقم كبير قوي انت متخيل يعني ايه حاجة مصلية على المسجد النبوي دلوقتي انت عايز غرفة على المسجد النبوي هتدفع كم؟ مطلة فيبيدي له بيت مطلة على المسجد النبوي رقم يعني احب بيوت الى اي احد ان يكون بيت ملاصق للمسجد النبوي يدي له كده؟

بكل بساطة انتم فاكرين الصحابي لما قال يا رسول الله ان احب مالي بير حاء؟ بيروحاء دي كانت غالية قوي ليه؟ ل

ان هي كانت مصلة على المسجد النبوي بس اومال ما بالك بيت؟

بيبص بيتفتح على المسجد النبوي اديه له كده ببساطة؟

اه عشان خاطر فاطمة عشان قلب النبي عليه الصلاة والسلام يبقى جنبه ايه الرجولة دي! لدرجة النبي يستحي منه يستحي منه!

يعني دي حاجة كبيرة قوي حاجة كبيرة قوي سيدنا سيدنا حارثة يا جماعة يقول لكم مش هطول عليكم اقول لكم اخر ثلاث مواقف في حياتي عاش حريف ابن نعمان طبعا مع النبي عليه الصلاة والسلام يعني بص يعني عايز يعمل معي كل كان هو يعني خدام للنبي عليه الصلاة والسلام فلوسه كلها للنبي عليه الصلاة والسلام حياته للنبي عليه الصلاة والسلام طبعا مش هقول لكم بقى على حزنه على موت النبي عليه

الصلوة والسلام عشان منقعدش نبكي تاني وآآ وتالت يعني الموضوع ده صعب فانا مضطر اتجاوزه وعازي اقول لكم ان هو كمل بعد موت النبي عليه الصلاة والسلام عشان تعرف مكانوش مرائيين كانوا مخلصين كمل بكل قوة مع سيدنا ابو بكر ومع سيدنا عمر ومع سيدنا عثمان لدرجة هنشوفوا المواقف بقى المواقف شبه رجالة المواقف

قالوا لما حوضر عثمان بيت سيدنا عثمان اتحاصر بالشوار اتاه ومين اللي جا له؟

حارثة من النعمان الراجل قال اتاه حارثة من النعمان وقال عثمان ان شئت قاتلنا دونك يا عثمان ان شئت قاتلنا دونك اؤمر بس والله نقلبها لك نقلبها لك معركة بس انت تتشاور شاوور وهتشوف هنعملها ايه ايه عشانك يا عثمان ايه الحب ده للصحابة وايه الفدائية والموضوع ما كنش ما كنش سهل اليوم ده كان صعب لكن سيدنا عثمان رفض تماما كل العروض اللي اتعرضت عليه للقتال وصبر رضي الله عنه وارضاه لوصية النبي عليه الصلاة والسلام ان هو يصبر ضحى بنفسه عشان يقي الامة شر كبير قوي وفتنة كبيرة قوي طبعاً اكيد سيدنا حارثة مش هقول لكم بكت دي على سيدنا عثمان وحزن قد ايه على سيدنا عثمان مش محتاجة كلام فضل عايش سيدنا عثمان في خلافة علي بن ابي طالب ثم خلافة معاوية وفي خلافة معاوية ابتلاه الله تعالى بفقد البصر يا الله! كمان!

يعني مش بس كل ده!

فقد بصره في اخر حياته! راضي! عن الله!

لم يشتكي لاحد قط ولم يشكو الله لاحد قط!

ما قالش ده انا حارثة!

ده انا اللي مدي النبي بيوت!

ده انا اللي عامل ومسوي!

ده بدر الاحباب ده انا ده انا من المية الصابرة انا اتاخذ بصري ليه مفيش الكلام ده يا جماعة علم ان الله يصطفي ناس للابتلاءات واشد ناسا بلاء للانبياء ثم الامل فالامل يفقد بصره وهو من هو ربنا يبتليه بفقد بصره ولا اي حاجة عبد صابر ان لم يكن بك غضب علي فلا ابالي ربنا بيرفعه هيروح فين بعد كده يعني دواء اللي عمله يوديه للفردوس الاعلى لا لسه فيه منازل تانية الله اعلم بها في الجنة بتتظر حارثة من النعمان وكأنك لسه لك كتير عند ربنا يلا خد بقى ابتلاء على الآخر كده افقد بصرك قبل موتك عشان تصبر قوي قوي وندخلك بقى المنزل اللي ايه اللي مستتيك ايه هو المنزل المنزل اللي شافه النبي عليه الصلاة والسلام شايفه بيقول لي انا ماشي في الجنة يعني ماشي في منزلته هو عليه الصلاة والسلام بيقول قابلت حارثة النعمان

يعني حنة جامدة قوي بيقراً القرآن في الجنة يا جماعة عايزين نستوعب نتكلم فين وعن مين لم يغتر فان حارثة بعمله وعلمه تمام

وما شفش نفسه ولا اتكلم عن نفسه لدرجة ان احنا اغلبنا منعرفوش اصلا يعني اظن اغلب اللي بيسمع دلوقتي عرف مين حارث النعمان ده تمام

راجل تحسه عاش بسيط مات بسيط متواضع يعني متحسش ان كان في ضجة يعني هم الناس المخلصين كده بيمشوا في صمت ويرحلوا في صمت

بيمشوا في هدوء متحسش بهم بيرحلوا في هدوء مبتحسش بهم لكن اثارهم بيفضل طول الزمان يسيبوا بصمة عالماشي على الرمل ترى اثره ولا تسمع صوته

اخر حاجة عشان اقول لكم ان سيدنا قد ايه الراجل ده راجل مواقف احنا قلنا جمع كل الخير بر بالام العمل بالقرآن ما انا عشان كده بقول لكم حارس تعالوا نوصفه بقى دلوقتي بعد ما هتقولوا لي وصف له مش عارف هو البر بالام ولا المجاهد ها ولا الكريم ها ولا السهم ولا ولا النبيل في مواقفه ولا صاحب المروءة مع سيدنا عثمان ولا الصابر على ابتلاؤه بفقد عينيه ولا ولا يلا يلا قولي لي وصف له اقنعوني بوصف واحد لحارثة ابن النعمان خد بقى الجديد بقى اللي انت ما تعرفوش ان **سيدنا حارثة زي ما كان بار بامه كان بار بولاده** يعني ايه بار بولاده دي كان احسن اب تشوفه في حياتك كان اب رائع ناصح مربى زي ما حب القرآن حبيب ولاده في القرآن **وزي ما تعلق قلبه بالقرآن نقل التعلق ده لولاده ورباهم على القرآن** كان عنده بنت ها سيدنا كان عنده بنت اتسمت بعد كده ام هشام سمت بعد كده ام هشام تمام ام هشام بنت الحارث ابن نعمان عشان تعرفوا يعني ايه الباب نقل كاملة لولاده شفتهم الرجولة اللي هو كان فيها شفتهم الشهامة انا هقول لكم حديث واحد يعني هو بيقول ام هشام روت في السنة كلها حديث واحد ويقال حديثين لان هم بيعتبروه جزئين يعني بس هو في الاخر هو حديث واحد هم جزئين الجزئين دول هم خلاصة فعلا حياة حارثة من النعمان خلاصة حياة حارثة ابن النعمان بس في صورة كلام بنته اسمعوه كده وهتتعجبوا البنت طالعة على ابوها بالظبط ايه التربية دي يا جماعة بصوا بقى نصين ها نصين احنا قلنا النعمان كان عبارة عن ايه عبارة عن راجل مواقف وراجل قرآن طبعاً البر ده خلاص هم اكيد ولاده بارين به ام هشام حديث اللي رويته في حياتها كلها ام هشام بنت حارثة من النعمان قالت خد النص الاولاني لقد كانت تتورنا تنور يعني الفرن الفرن اللي احنا بنخبز فيه قالت لقد كانت النورنا وتنور رسول الله صلى الله عليه وسلم واحد سنتين او سنة وبعض سنة ادي النص الاولاني فهمتوا ايه بتقول بتقول احنا الفرن بتاعنا اللي احنا بنخبز به كان هو ده اللي بفرن بتاع النبي عليه الصلاة والسلام الفرن بتاعهم اللي في بيتهم هم هو ده معتبرينه فرن النبي عليه الصلاة والسلام كل الاكل بيتطبخ عندنا كل العيش بيتعمل عندنا كل بيتعمل عندنا وقعدنا كده سنتين سنتين شوف شوف النساء طالعين ازاى

مع النبي عليه الصلاة والسلام الفرن بتاعنا معروف ده يا جماعة فرن النبي عليه الصلاة والسلام انتم بتعملوا فيه الاكل كده بس لكن ده فرن النبي عليه الصلاة والسلام كانوا قعدوا سنتين الاكل في الفرن بتاعهم في بيتهم ده واحدة ست بتكلمك من جوة المطبخ تقول لك احنا كنا بنعمل ايه ابويا مربينا على ايه ابويا مربينا النبي ده نمرة واحد الفرن ده فرن النبي عليه الصلاة والسلام فرن اللي جوة بيتهم مش بقى يتصدق في بيتهم ده كمان جوة بيتهم بيقول بيتي انا اللي جواه ده للنبي عليه الصلاة والسلام هي فخورة بان كان الفرن بتاعنا هو هو الفرن اللي النبي عليه الصلاة والسلام لمدة سنتين.

يبقى ادي الجدعنة والشهامة والمراقبة وكل حاجة خدتها ام هشام خدوا بقى الياه النص الثاني قالت وما اخذت قاف والقرآن المجيد يعني سورة قاف حفظتها لي باب اربي ولادي ما بعض النساء الافكار النسوية بقى تقول لك انت هتقدي تعلمي انت وعمرك تربى ولادك طب ما حديث ابن عمان جزء من قلة حياته ان هو كان مربى فاضل بس كان ابن صالح بس كان جدع جدع تمام.

كم مواقف مكانش مشهور قوي ان هو مش راوي حديث مش خاتم قرآن مش ضروري بس كان اللي حافزه بيعمل به كان عامل بالقرآن ابن بار مربى فاضل راجل مواقف جدع شهم مروءة دي عبوديته ايه المشكلة تبقى دي قصتك يعني عادي ممكن قصة عبوديتي هي انا كنت كويس مع ابويا وامي بس كت آآ خلقت ولاد كثير فانشغلت بهم حياتي كلها وقعدت طول حياتي اربيهم شكرا قصة ابدية ملهاش مثيل ممكن دي تدخلك الفردوس العلى.

فاحنا مبنخترش قصة عبوديتنا احنا زي ما الظروف بتودينا بنصمم قصة عبوديتنا على اساس الزروف اللي اتحطنا فيها ما بنقعدش نبكي على اللبن المسكوب تمام خلاص اللي تيسر لي هي دي عبوديتي يا رب وده الباب اللي انت فتحت له لي وده اللي تيسر لي علم دعوة تربية بصلة مواقف مروءة فلوس انفاق اللي تيسر لي هعمله وخلصت خلصت عرف ان هو مات بكل بساطة قصيرة جدا فجميلة جدا ومؤثرة جدا مننا ساعة لكن احبوا هذا الرجل يلا خطوه بقى في الياه في ملف المحبة بتاعكم احبوا الحارسة ابن النعمان رضي الله عنه وارضاه احب ام حارثة النعمان جعدة بنت عبيد اللي ربت هذا الرجل العظيم جدا احبوا ابناؤه يعني حارثة ابن النعمان وشكرا يا حارثة وجزاك الله عن النبي عليه الصلاة والسلام خيرا وجزاك الله عنا خيرا احنا بنحبك وربنا يشهد ان احنا بنحبك ونتمنى يا رب نكون معك كده في الجنة ويا رب سمعنا صوته في الجنة يا رب يا رب يا رب.

يا سلام لو واحد دخل الجنة كده وسامع صوت قارئ بيقرا واتقال له ده لو لو ينفع يغمى عليه في الجنة كان هيغمى عليه فيا رب نسمع صوته في الجنة يا رب يكرمنا به والحمد لله رب العالمين وطبعا احنا بناخد كتاب اه اصحاب الرسول بتاع اه

الشيخ محمود المصري واللي عايز ينزلهم موجود على النت موجود في المكتبات
غالبا الكتاب جميل جدا جزء او جزئين حتى كمان شكرا ليكم
سبحانك اللهم ربنا وبحمدك اشهد الا انت استغفرك واتوب اليك